



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU UJEDINJENE HRVATSKE STRANKE PRAVA BIH

Broj: 03-07-6-248/15
Sarajevo, 25. mart 2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Ujedinjene Hrvatske stranke prava BiH za 2014. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da je Ujedinjena Hrvatska stranka prava BiH prekršila odredbe člana 11. i člana 12. stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Ujedinjene Hrvatske stranke prava BiH za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2014. godinu, Ujedinjena Hrvatska stranka prava BiH nije ostvarila prihode niti se finansirala iz kredita, što se vidi iz naredne tabele:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	0,00	0,00%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	0,00	0,00%
II	Kreditno zaduženje kod banaka	0,00	0,00%
	Izvori finansiranja (I+II)	0,00	0,00%

U godišnjem finansijskom izvještaju za 2014. godinu Ujedinjena Hrvatska stranka prava BiH nije iskazala rashode.

2. PREDSTAVLJANJE POLITIČKE STRANKE

Naziv političke stranke: Ujedinjena Hrvatska stranka prava BiH. Skraćeni naziv: Ujedinjena HSP BiH.

Politička stranka je registrovana Rješenjem Višeg suda u Mostaru broj: R- 1/99 od 20.05.1999. godine, te izmjenama rješenja od 30.12.2004. godine.

Sjedište političke stranke je u Mostaru, ulica Splitska broj 29.

Lice ovlašteno za predstavljanje i zastupanje Ujedinjene Hrvatske stranka prava BiH je Miljenko Miloš, predsjednik stranke¹.

Prema podacima iz godišnjeg finansijskog izvještaja za 2014. godinu, Ujedinjena Hrvatska stranka prava BiH nema niže nivoe organizovanja.

¹ U finansijskom izvještaju koji je podnijela Centralnoj izbornoj komisiji BiH, politička stranka nije navela lice ovlašteno za finansijske izvještaje.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Ujedinjene Hrvatske stranke prava BiH za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Ujedinjena Hrvatska stranka prava BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Ujedinjene Hrvatske stranke prava BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U periodu od 2006. do 2013. godine, obavljen je pregled godišnjih finansijskih izvještaja Ujedinjene Hrvatske stranke prava BiH, nakon čega su izdati izvještaji o pregledu sa mišljenjem revizora, nalazima i preporukama revizije.

Pregledom godišnjeg finansijskog izvještaja Ujedinjene Hrvatske stranke prava BiH za 2013. godinu, nije utvrđeno ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE

5.1. NALAZI

Ujedinjena Hrvatska stranka prava BiH je prekršila odredbe člana 11. i člana 12. stav (3) Zakona o finansiranju političkih stranaka.

(1) Godišnji obračun Ujedinjene Hrvatske stranka prava BiH za 2014. godinu nije potpisan i ovjeren od strane certificiranog računovođe, niti ga je politička stranka podnijela nadležnoj instituciji (Agenciji za finansijske, informatičke i posredničke usluga – AFIP), u skladu sa računovodstvenim propisima, čime je stranka prekršila odredbu člana 11. Zakona o finansiranju političkih stranaka.²

Stranka je bila obavezna Centralnoj izbornoj komisiji BiH podnijeti godišnji obračun ovjeren od strane nadležne institucije (AFIP), skupa sa godišnjim finansijskim izvještajem za 2014. godinu³.

² U skladu sa odredbom člana 11. Zakona o finansiranju političkih stranaka, politička stranka je podnositi finansijske izvještaje na način koji je utvrđen zakonom i drugim propisima u skladu sa zakonom, što podrazumijeva računovodstvene propise.

³ Godišnji obračun koji je stranka podnijela Centralnoj izbornoj komisiji BiH nije valjan, jer nije potpisan od strane certificiranog računovođe niti je ovjeren od strane Agencije za finansijske, informatičke i posredničke usluga – AFIP.

- (2) Politička stranka godišnji finansijski izvještaj nije podnijela u formi koju je odobrila Centralna izborna komisija BiH⁴.
- U finansijskom izvještaju stranka nije iskazala obavezu za neplaćenu kaznu po Odluci Centralne izborne komisije BiH, broj: 01-07-6-1224/09 od 15.12.2010. godine, u iznosu od 1.500,00 KM, čime je prekršila odredbe člana 12. stav (3) Zakona o finansiranju političkih stranaka i odredbe člana 24. Pravilnika o godišnjim finansijskim izvještajima političkih stranaka⁵.
 - Ujedinjena Hrvatska stranka prava BiH u finansijskom izvještaju nije navela lice ovlašteno za finansijske izvještaje, čime je prekršila odredbe člana (9) Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Ujedinjenoj Hrvatskoj stranci prava BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje Centralnoj izbornoj komisiji BiH podnosi u skladu sa Pravilnikom o godišnjim finansijskim izvještajima političkih stranaka i*
- *da poštuje računovodstvene propise.*

Komentar

Ujedinjena Hrvatska stranka prava BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić

⁴ U skladu sa odredbama člana 12. stav (3) Zakona o finansiranju političkih stranaka, politička stranka je dužna podnijeti finansijski izvještaj u formi koju odobri Centralna izborna komisija BiH. Forma finansijskog izvještaja propisana je Pravilnikom o godišnjim finansijskim izvještajima političkih stranaka.

⁵ U skladu sa odredbama Pravilnika o godišnjim finansijskim izvještajima političkih stranaka, politička stranka je obavezna u finansijskom izvještaju iskazati sve neizmirene obaveze, bez obzira po kom osnovu su nastale.